

AUGLÝSING

70

29. júní

um að forseti Íslands sé kominn heim og tekinn við stjórnarstörfum.

Forseti Íslands, herra Sveinn Björnsson, kom í dag úr för sinni til útlanda og hefur á ný tekið við stjórnarstörfum.

Forsætisráðuneytinu, 29. júní 1950.

Steingrímur Steinþórsson.

Birgir Thorlacius.

AUGLÝSING

71

13. júlí

um viðskiptasamning milli Íslands og Ungverjalands.

Hinn 30. maí 1950 var undirskrifaður í Budapest viðskipta- og greiðslusamningur milli Íslands og Ungverjalands. Samkvæmt samningi þessum lofa ríkisstjórnir beggja landa að veita gagnkvæmt innflutnings- og útflutningsleyfi fyrir þeim vörutegundum, sem sérstaklega eru tilgreindar í vörulistum, er fylgja samningnum.

Ákveðið er að greiðslur fyrir vörur fari fram í sterlingspundum yfir ungverskan reikning í London og ber að reikna kröfur og skuldbindingar samkvæmt samningnum í sterlingspundum. Tekið er fram, að báðir aðilar skuli leitast við að finna aðrar leiðir til gagnkvæmra greiðslna, ef erfiðleikar skyldu verða á því að framkvæma þá leið, er að framan getur svo að tryggt sé, að viðskiptin geti haldið áfram hindrunarlaust.

Samningurinn gildir frá 30. maí 1950 í eitt ár og báðir aðilar lýsa sig reiðubúna til þess að ganga til nýrra viðræðna um endurnýjun samningsins, áður en hann fellur úr gildi, ef annar hvor óskar þess.

Af Íslands hálfu er ráðgert að selja til Ungverjalands þessar vörur: Fiskeða síldarmjöl, hval- eða síldarlýsi, þorskalýsi, gærur, garnir, loðskinn, niðursuðuvörur, ull o. fl.

Af hálfu Ungverjalands er ráðgert að selja til Íslands þessar vörur: Hveiti, rúgmjöl, haframjöl og ýmsar iðnaðarvörur.

Þetta er hér með gert almenningi kunnugt.

Utanríkisráðuneytið hinn 13. júlí 1950.

Bjarni Benediktsson.

Agnar Kl. Jónsson.

AUGLÝSING

72

14. júlí

um löggilding nýrrar lyfjaskrár.

Samkvæmt tillögum heilbrigðismálaráðuneytisins hefur forseta Íslands, hinn 13. þ. m., þóknast að ákveða, að Pharmacopoea Danica 1948 (Editio IX) skuli löggilt til notkunar á Íslandi frá 1. jan. 1951, þó svo að heilbrigðismálaráðuneytinu sé falið

72 að setja, að fengnum tillögum landlæknis, frekari reglur um notkun lyfjaskrár-
14. júlí innar og jafnframt veitt heimild til að veita undanþágu frá reglum lyfjaskrár-
innar um nokkur áhöld til rannsókna og lyfjatilbúnings, eftir því sem ástæður
þykja til.

Samkvæmt framansögðu skulu allar lyfjabúðir á Íslandi, frá 1. janúar 1951
að telja, vera skyldar að hafa birgðir af öllum þeim læknilyfum, er tilgreind eru
í téðri lyfjaskrá.

Í heilbrigðismálaráðuneytinu, 14. júlí 1950.

Steingrímur Steinþórsson.

Baldur Möller.

73
19. júlí

BRÁÐABIRGÐALÖG

um greiðslu launauppbótar.

FORSETI ÍSLANDS

gjörir kunnugt: Viðskiptamálaráðherra hefur tjáð mér, að nauðsynlegt sé að setja
bráðabirgðalög um greiðslu launauppbótar. Með lögum nr. 56/1950 um
breytingu á lögum nr. 37/1943 um húsaleigu, er sett hámark húsaleigu, að
viðbættri visitöluuppbót, sem ákveða má fyrir íbúðarhúsnæði. Hámarks-
ákvæði laganna hafa áhrif til lækkunar yfirleitt á húsaleigu íbúðarhúsnæðis
og varð því ekki hjá því komizt fyrir kauplagsnefnd að taka fullt tillit til
nefndra laga og þeirrar lækkunar á framfærslukostnaði sem af þeim leiðir.

Vísitalan fyrir júlí hefur með tilliti til þessa verið ákveðin 109 stig og
mundi þá að óbreyttum lögum aðeins 5% launahækkun verða greidd til
ársloka. En þar sem áður greind lög um lækkun húsaleigu eru nýlega sett
og því ekki komin til framkvæmda nema að litlu leyti, þykir ekki sanngjarnt
að sú visitölulækkun, sem af þeim stafar, komi til framkvæmda nú nema
að litlu leyti. Þess vegna þykir rétt að ákveða, að 12% uppbót skuli greiða
á öll laun frá 1. júlí til 31. desember þessa árs.

Fyrir því eru hér með sett bráðabirgðalög samkvæmt 28. gr. stjórnar-
skrárinnar, á þessa leið:

1. gr.

Frá 1. júlí til 31. desember 1950 skal greidd uppbót á laun, er miðast við visi-
tölu 112.

2. gr.

Útreikningur visitölu framfærslukostnaðar í desember næstkomandi og þar
á eftir samkvæmt ákvæðum laga nr. 22/1950 svo og launabreytingar í janúar 1951
og þar á eftir samkvæmt sömu lögum skulu fram fara með sama hætti og verið
hefði, ef 1. gr. laga þessara hefði ekki verið í lög tekin.

3. gr.

Lög þessi öðlast þegar gildi.

Gjört í Reykjavík, 19. júlí 1950.

Sveinn Björnsson.

(L. S.)

Björn Ólafsson.